

KJKP „RAD“ d.o.o. SARAJEVO, Paromlinska broj 57. (u daljem tekstu „Naručilac“), koga zastupa direktorica Vera Arnautović, dipl. pravnik.

Broj rješenja: UF/I-889/01
Porezni broj : 01700105
Identifikacioni broj : 200316890001
Transakcijski račun broj: 338-900-22080776-49 UniCredit banka d.d. Sarajevo

i

„KLAS“ d.d. Sarajevo, Paromlinska br. 43, Sarajevo (u daljem tekstu : „Izvršilac“), koga zastupa direktor Boris Brković

Broj rješenja: UF/I-1126/02
Identifikacioni broj: 4200495880005
Porezni broj : 01700273
Transakcijski račun broj: 161000-0035160086 Raiffeisen Bank dd BiH Sarajevo

zaključili su:

U G O V O R

o javnoj nabavci usluge

PREDMET UGOVORA

Član 1.

Predmet ovog Ugovora je javna nabavka usluge vaganja kamiona (Sol), a u skladu sa ponudom Izvršioca od 16.01.2020. godine.

Odluka o pokretanju postupka nabavke putem direktnog sporazuma broj: 05-03-05-1009/20 od 15.01.2020. godine.

Odluka o izboru najpovoljnijeg ponuđača broj: 05-03-05-1483/20 od 21.01.2020. godine.

Član 2.

Izvršilac se obavezuje da će usluge koje su predmet Ugovora vršiti prema potrebama Naručioca i na osnovu njegove pismene narudžbe.

U narudžbi Naručilac je dužan navesti koju vrstu usluge traži od Izvršioca.

CIJENA

Član 3.

Izvršilac se obavezuje da će Naručiocu usluge iz predmeta Ugovora vršiti po cijenama iz Ponude od 16.01.2020. godine, a koja čini sastavni dio ovog Ugovora.

Cijena po jednom vaganju kamiona iznosi: 15,00 KM bez PDV-a, a procijenjena godišnja vrijednost nabavke iznosi: 1.500,00 KM bez PDV-a.

ROK IZVRŠENJA USLUGA

Član 4.

Rok izvršenja usluga je odmah po prijemu narudžbe.

NAČIN PLAĆANJA

Član 5.

Za izvršene usluge, koje su predmet Ugovora, Izvršilac će na osnovu narudžbe i radnog naloga koji je ovjeren od strane ovlaštenog predstavnika Naručioca ispostaviti Naručiocu fakturu. Izvršene usluge Naručilac će platiti u roku od 30 dana od izvršenja usluge i dostave računa na transakcijski račun Izvršioca.

OBAVEZE IZVRŠIOCA

Član 6.

Izvršilac se obavezuje da će usluge koje su predmet Ugovora vršiti kvalitetno i u dogovorenom roku

U slučaju nekvalitetno izvršene usluge naručilac ima pravo od Izvršioca zahtjevati da ukloni uočene nedostatke.

Reklamaciju na kvalitet izvršene usluge Naručilac saopštava Izvršiocu odmah, a najkasnije sedam dana od dana izvršene usluge.

Član 7.

Rok za otklanjanje nedostataka je odmah, a najkasnije 3 dana od dana saopštavanja istih.

UGOVORNE KAZNE

Član 8.

U slučaju kašnjenja u obavljanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručenih usluga, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluga koje su predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

RASKID UGOVORA

Član 9.

Ako se u slučaju više sile, potpuno ili djelimično spriječi izvršenje obaveza po ovom ugovoru, ugovorna strana kod koje je nastupila viša sila je obavezna da obavijesti drugu ugovornu stranu o odlaganju ili raskidu ugovornih obaveza u roku od 7 (sedam) dana od momenta nastanka više sile.

Član 10.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 30 dana.

ANTI-KORUPCIJONSKA KLAUZULA

Član 11.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

UGOVORNE ZABRANE

Član 12.

Prodavac nema pravo zapošljavati, u svrhu provedbe ugovora o javnoj nabavi, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koju je angažiralo povjerenstvo za nabave najmanje šest mjeseci po zaključenju ugovora, odnosno od početka realizacije ugovora.

OSTALE ODREDBE

Član 13.

Za sve eventualne sporove koje ugovorene strane ne budu mogle riješiti sporazumno nadležan je sud u Sarajevu.

Član 14.

Izmjene i dopune ovog Ugovora mogu se vršiti samo uz pismenu saglasnost ugovornih strana.

Član 15.

Sastavni dio ovog Ugovora je ponuda Izvršioca od 16.01.2020. godine.

Član 16.

Ugovor stupa na snagu danom potpisivanja i traje do 10.02.2020. godine ili do ispunjenja obaveza koje su predmet ugovora.

ZAVRŠNE ODREDBE

Član 17.

Ugovor je sačinjen u 6 (šest) primjeraka, 4 (četiri) za Naručioca, a 2 (dva) za Izvršioca.

KLAS d.d. Sarajevo

Direktor

47

Boris Brković



KJKP "RAD" d.o.o. Sarajevo

Direktorica

Vera Arnautović
Vera Arnautović, dipl. pravnik



KL-01-U-241/20

Broj 05-03-05-2730/20
Dana 10.02.2020. godine